

محل مطبعه و اداره :

جفبال اوغلانده امنيت

صندوغى جوارنده

شنكول يقوشنده

۲۲ نومرو

مستطابق

اضطار :

مسلكمزه موافق آثار

جدیدہ مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرلمه دن مقوا بورو ایله کوندریلیرسه سنوی

۲۰ غروش فضله آلنیر

سنة لکی	التی آیلنی	غروش
۶۵	۳۵	۲۵
۶۵	۳۵	۳۰
۱۷	۹	فرانق

عدد : ۱۰۹

۲ شوال پنجشنبه ۲۳ ایلول ۳۲۶

بشنجی جلد

مطبوعات

اتحاد اسلام

قاہرہ میں منشر (الذرا) رفیقہ فرانسہ و اتحاد اسلام سرنامہ

مقالہ سترہ مطالعات آئینی سرد ایدیور :

« بشقہ لری ایچون ایستہ مدکری شیئی فوق البشر برحقوہ مالک ایمش کی کندیلرینہ خوش کورنلرک حالنہ تعجبیدن کندمزی آلہ میز. برخرستیان دها ایکه مدن ایکلیورمش کی بتون خرستیانلق عالمی متحداً اظهار تألمات ایدر ایکن بریده بر اسلام فریادی آفاقی طوتسه بیله ینه کیسه نظره آماز. اوروپا لیلرک انهم غزته لرنده بو حادنه ایچون بر ایکی سطر دن فضله یر تخصیص اولتماز مع مافیه نتیجه ده ینه اتحاد اسلامدن بحث اولنورده اتحاد مسیحی اصلا قاله آلتماز، اتحاد اسلام هر درلو محاذیر و مخاطراتی داعی کوریلورده بریکنه هیچ بویله برشی نسبت اولتماز. فقط واری یوق ایدن و یوقدن وارلق چیقاران قوتلی بر سیاسته قارشى نه یاپیله بیلور. حقسنز اولسه لر بیله مادامکه قوتلیدر لر حقیقدر لر حقی اولسه ق بیله مادامکه ضعیف حقسنز. حقی قوته غلبه ایده جکی زمان دها پک اوزاق اولدیغی اونو تاملی یز .

بر مسلمانک قدراشدن خبردار اولسی انک کدریله محزون و سرور یله بمنون اولسی غایه آخر و یه سنی متحد، معتقداتی متجانس یاپان رابطہ یی تأیید و تأکید ایده جک مناسباتده بولنسی نه دن چوق کوریلور، نه دن کوزلره باتیور. بوندن ادیان سائر یه قارشى بر شمه تعصب چیقارمق نصل موافق انصاف اولور او حالده بزده بویله بر معنا ویریر و مقابله بالمثل صورتیله (والبادی اظلم) دیرز. بز اقوامک تألیف قلوبنه چالیشیر ایکن هر درلو اسباب اتلاف و تعارفک اساسی تشکیل ایدن و مدار عمران عد اولنان بین الافراد تبادل منافعه غیرت ایدر ایکن اوروپانک، ایشیتدکری حوادتلی هوا و هو سارینه و ایشلرینک چیقارینه کوره شکلدن شکله صوققدن چکنمیان بر طاقم محترص محرر لرک مخیله لرندن بشقه بریده وجودی اولمان برشی آیلہ بزى اتهامه قالمشسنى دلیل انسانیت عد ایلمک بیلر که نه درجه لرده موافق معدلتدر. هایدی اتحاد اسلام موجود در دیلم بو اوروپائی نه درجه لرده قور قوته بیلور. اسلام لک ازمه مصالحی بوکون اوروپا لیلرک النده بولنیور. پک از بر اقلیت استقلالانی محافظه ایدیور. اوروپا سلطه قاہرہ سنک آیر مقدمه اولدیغی ایم اسلامیه نصل بر بر یله برلشکه امکان بوله بیلور فرانسہ، عقد ایده جکمز قونغرہ یی منع ایچون اسباب موجبہ اولمق اوزره ایکی شیدن بحث ایدیور. فکر مزجه بوایکینه بدل برشیدن بحث ایتلی و « پاتختیمزده بر حرب صلیبی یاپدیر میز » دیه جکنه « مؤتلفمز انکلتريه قارشى پاتختیمزده بر حرب سیاسی آچیلشسنى ارزوایتمیز » دیملی ایدی. نافله یرہ صلیبی و وطنپرور لرک آمانه مماشانک اتحاد اسلامی تأیید ایده جکنی ایشه قارشیدر ماملی ایدی. بو سوزلردن فائده حصولی شویله

طورسون دلالت ایتدیکی وسوسه لر موجب استهزا اولور. باخصوص نیم رسمی برماهیته عد اولنان تانک بو صیره لرده دولت علیه نك افریقاده کی مسائله مداخلات یله جزائر و تونس لیلرک کویا کوستردکری تمایل و بوکا قارشى حکومت سنیه نك ارائه ایلدیکی مساعداته دائر، ایکی اوزون بند نشر ایتش اولسی معنیدارد. اکلاشیلان بو مقاله لرده اتحاد اسلام محذورینه قارشى فکرلری حاضر لامق و بو فکرى هیچ اولماز ایسه مصر و طنپرورلرینه یاپشیدر مغه امکان بولمق مقصدلری تعقیب اولنیور.

۱۰ میلیون اسلام هشیره لرمزه

[بوتون عثمانی قادینلرینه یینسزدر. حسسزدر دین محرره مدافعه]
طنینک ۹ ایلول ۱۳۲۶ تاریخی نسخه سنک ۵، ۶ نجی صحیفه لرنده (محمد نافذ) امضاسیله و خالده صالح خانم افندیکن رومانی وسیله سیله بوتون عثمانی اسلام قادینلری حقنده [سیاه قفسلر آرقاسنده عصرلردن بری حیاتدن، بیلکی دن، انسانلقدن اوزاق، حیوانجه بر جهالتله محصور اوله رق یاشلا تیلان بو یینسز، بو حسسز، بو ادرا کسز قادینلر من ایچنده جدی بر تحصیل و عرفان، درین بر تکمل و تربیه ایلہ بر خالده صالح خانم افندی چیه بیله جکمش] دیه تحقیرات یور و تولویور. بو سطرلری یازانک عثمانی اولامایه جغه بدایه حکم ایتد کسه ده امضانک محمد نافذ اولماسی محررک بو حسسز، بو یینسز، آنالردن! در غمہ بری و مع التأسف عثمانی اولدیغی آکلادق.

همشیره لرمز (سویه طالب) رومانی یازان مومی الیها خانم افندیکن باشقه تکمیل بز مسلمان قادینلرینک (یینسز، حسسز، ادرا کسز، انسانلقدن اوزاق الخ) تعبیر لریله تزییف ایدیلمه مزه صوصا جقمی بز؟ محمد نافذک بو کیرلی حسسزینی، بوملوث افترا لرینی یوزینه فی رلا توبده « عثمانی قادینلری سنک بهتانکدن وارسته درلر. انسانلق رومان یازمقله تجلی ایتمه ز، بر عثمانی خانمک آلنی هر وقت پاک، قلبی هر وقت حب فضائل و انسانیت ایلہ دولور. » دییه جکمی بز؟ مطبوعاتک سربستیسندن و بر رومانک موقع انتشاره وضعندن بالاستفاده قلبندن عثمانی قادینلرینه قارشى بسله دیکی تشنیعاته جریان ویرن (بک افندی) یی بو حرکتده سکوت مزله تشجیع می ایده جکمز؟ همشیره لر! بز بو افترا لره دایا ناما یارق ایشه یازیورز.

اولا عثمانی قادینلرینی بو قدر ازن بکه صورالم که کندیبی یینسز، حسسز، دیدیکی سورودن دو غما مشمی در؟ بو تعبیرلری صرف ایدر کن عثمانی لقدن دکلسه آناسندن، همشیره سندن حیا ایتمه مشمی در؟ عثمانی خانملری؟ بز اویله مناسب صانیورز که بوشنیع صفتلری نافذه یرہ لم، یوزینه آتالم، یوقسه بوملوث اسنادات یارین اوروپا غزته لرینه ترجمه ایدیلہ جک و (باقک، اسلام قادینلری نه قدر حسسز، نه قدر یینسز، انسانلقدن نه قدر اوزاق ایمش. بونی اونلرک سوتلریله بسله ندیکی محتمل بر ارکک یازیور، ینه صوصیورلر. حقیقتده اسلام نسوانی حسلی، ادراکلی، حیثیتی اولسه لردی مدافعه ایدر لردی، دنیلہ جک در.